



HELLENIC REPUBLIC
National and Kapodistrian
University of Athens



THE WORLD BANK
IBRD • IDA | WORLD BANK GROUP

"უმაღლესი განათლების სფეროში დაფინანსების შესაძლებლობების გაუმჯობესება და ინტერნაციონალიზაციის ხელშეწყობა"

მსოფლიო ბანკის მხარდაჭერით, ინოვაციების, ინკლუზიურობისა და ხარისხის პროექტის (I2Q) მესამე კომპონენტის ფარგლებში, რომელიც მოიაზრებს უმაღლესი განათლების სფეროში დაფინანსების შესაძლებლობების გაუმჯობესებასა და ინტერნაციონალიზაციის ხელშეწყობას, შეიქმნა ერთობლივი საერთაშორისო სადოქტორო საგანმანათლებლო პროგრამა „ განათლებისა და მეცნიერების მმართველობა და ადმინისტრირება“. ეს პროგრამა, რომელსაც უძღვება ივანე ჯავახიშვილის სახელობის თბილისის სახელმწიფო უნივერსიტეტი (თსუ) ათენის ეროვნულ და კაპოდისტრიულ უნივერსიტეტთან (NKUA) თანამშრომლობით. ყოვლისმომცველი სასწავლო გეგმის შეთავაზებით, იგი ემთხვევა ეროვნული სტრატეგიის მიზნებს, რომელიც ასახავს საერთაშორისო სტანდარტებს და აერთიანებს პრაქტიკული სწავლის გამოცდილებას, როგორცაა პრობლემაზე და პროექტზე დაფუძნებული სწავლება.

საქართველოს განათლებისა და მეცნიერების ერთიანი ეროვნული სტრატეგია 2022-2030 ხაზს უსვამს საერთაშორისო თანამშრომლობის აუცილებლობას სადოქტორო განათლების გაღრმავების მიზნით. იგი განსაზღვრავს გარკვეულ ხარვეზებს საქართველოს სტრუქტურირებულ სადოქტორო პროგრამებში და მხარს უჭერს დოქტორანტების ხელმძღვანელობისა და ტრენინგის გაუმჯობესებას. სტრატეგია მიზნად ისახავს სადოქტორო პროგრამების საერთაშორისო სტანდარტებთან შესაბამისობას და სახელმწიფოს სოციალურ-ეკონომიკურ საჭიროებებს მაღალი ხარისხის სტრუქტურირებული სადოქტორო პროგრამების დაწყებით. მოსალოდნელია, რომ ეს ძალისხმევა მოიზიდავს ნიჭიერ მკვლევრებს, როგორც საქართველოდან, ასევე საზღვარგარეთიდან, რაც ხელს შეუწყობს კვლევებისა და ინოვაციების განვითარებას. შერჩეულ მიმართულებებში დოქტორანტების მოზიდვასთან ერთად, გაიზრდება სამეცნიერო და კვლევითი სფეროს დაფინანსების მოცულობაც, რაც ინოვაციური და კვლევითი პოტენციალის ზრდის წინაპირობაა. სწორედ ამ სტრატეგიისა და ინიციატივის ფარგლებში შემუშავდა ზემოაღნიშნული ერთობლივი საერთაშორისო სადოქტორო პროგრამაც. პროგრამის უნიკალურობა მდგომარეობს მის ურყევ ვალდებულებაში, რომ თეორია და პრაქტიკა ერთმანეთთან მჭიდროდ იყოს გადაჯაჭვული.

ინოვაციური პედაგოგიური მიდგომების მეშვეობით, როგორცაა პროექტებზე დაფუძნებული სწავლა, რეალურ პრობლემებზე, ავთენტურ სამუშაო ადგილებზე ორიენტირებული კვლევა, სტუდენტები აღიჭურვებიან ისეთი პრაქტიკული უნარებით, რომლებიც აუცილებელია განათლებისა და მეცნიერების ლანდშაფტის

სირთულეებში ნავიგაციისთვის. უფრო მეტიც, საზაფხულო სკოლების, როგორც დიალოგისა და უნარების გამომუშავების დამაჩქარებელი მექანიზმების ინკორპორაცია კიდევ უფრო მეტად უსვამს ხაზს პროგრამის ერთგულებასა და მიზნობრიობას სტუდენტების ჰოლისტური განვითარებისკენ. პროგრამა მიზნად ისახავს შექმნას ქართული განათლებისა და მეცნიერების მომავალი ეროვნულ და საერთაშორისო დონეზე.

ზემოაღნიშნული სადოქტორო პროგრამა უნიკალურია, რადგან ის ითვალისწინებს სხვადასხვა გამოცდილების სინთეზს საერთაშორისო სამეცნიერო კონტექსტში, რომელსაც გააცნობენ სტუდენტებს დარგის წამყვანი მეცნიერები, როგორც კურსების ფარგლებში, ასევე სეზონური სკოლების ფორმატში.

პროგრამის შექმნაში ჩაერთნენ: ათენის ეროვნული და კაპოდისტრიული უნივერსიტეტის (NKUA) აკადემიური პერსონალი, თსუ აკადემიური პერსონალი და UCL.